

Headline	DBKL akan tebang semua pokok mudah tumbang		
MediaTitle	Kosmo		
Date	20 Oct 2014	Color	Full Color
Section	Negara	Circulation	218,251
Page No	19	Readership	654,753
Language	Malay	ArticleSize	192 cm <sup>2</sup>
Journalist	N/A	AdValue	RM 2,462
Frequency	Daily	PR Value	RM 7,385



## DBKL akan tebang semua pokok mudah tumbang

**KUALA LUMPUR** -- Dewan Bandaraya Kuala Lumpur (DBKL) sedang membuat pemeriksaan terhadap pokok-pokok yang mudah tumbang serta patah apabila berlaku hujan lebat dan angin kencang di sekitar ibu negara.

Datuk Bandar Kuala Lumpur, Datuk Seri Ahmad Phesal Talib berkata, pokok-pokok yang ditanam secara segera dan bukan daripada anak pokok dikenal pasti

lebih mudah tumbang, sekali gus mengancam nyawa orang ramai.

Menurutnya, sebanyak 90 kejadian pokok tumbang telah berlaku sejak tahun lalu dan ada antara kes berkenaan menyebabkan kematian.

“Oleh itu, kita meminta bantuan daripada Institut Penyelidikan Perhutanan Malaysia untuk memberi nasihat pokok mana yang perlu ditanam,” katanya selepas merasmikan pameran Art In

The Park yang berlangsung mulai Khamis lalu hingga 2 November depan di Taman Botani Perdana di sini semalam.

Pada 12 Oktober lalu, dua anggota polis dilaporkan maut setelah sebatang pokok besar tumbang ketika hujan lebat lalu menghempap mereka ketika berada di dalam sebuah kontena yang dijadikan tempat simpanan barang kes di Jalan Bellfield, Kampung Attap di sini.



**AHMAD PHESAL** (kanan) mendengar penerangan daripada Nizam Abdullah mengenai hasil seni yang dihasilkannya pada pameran Art in the Park di Taman Botani Perdana, Kuala Lumpur semalam.